

**960.***ohne Datierung****Vergleich unter den Erben von Lorenz Schleifer.***

*fol. 177r* Es ist bereth und betedingit zwischen Lorencz Sleiffers seligin gelaszin witwe uff eyne und Veit Sleyffir als eyn vormunden synis bruders kindis uff dy ander syten von sulches gutis weyn, daz Lorencz Slyffer noch synen tode an husze, slyffwergken und farindir habe gelaszen hat, daz sy denne angeslagin haben uff 25 ß gr, dy gutir Veit Sleyffer gekaufft hat als der neste swertmage des kindis, und hat der frauwen irin teil und auch dem kinde mit Mertin Rudeler vorburgit, davon er der frauwen nach der schuldiger schuld, waz der frauwen wiszintlich ist, bezalen sal irin dritten teil halb uff Michaelis schirst komende und dy andere helffte uff Walpurgis nest dornach folgende. Und Veit Sleyffer sal sich der gutir undirwinden und auch des kindis, so es der muter enperen kann, der nach notdurft gebruchen. su(!)che (!) schuld hat Mertin Rudeler mit seyn erben und gutern vorphant, ab daz kinth czu synen mundigen jaren qweme addir an erben vorsturbe, daz Mertin Rudeler daz dem kinde adder wo sich daz sippe halben hinvorsterben wurde, uszrichten und bezalen sal, so ferne Veit Sleyffer daz selbinst nicht bezalt. Auch hat Veit Sleyffer sulche gutir widirumbe Mertin Rudeler czu eynem phande eyngesaczt, gereth und globit der burgeschaft schadinloz czu benemen an arge list.

**961.***ohne Datierung****Ernegkir übernimmt Mertin Rudelers Verpflichtungen.***

*fol. 177v* Allis des sich Mertin Rudeler vorschribin hat, doreyn hat sich Ernegkir gesaczt und dy guter Mertin Rudelers sint doruff loszgesagit und Ernegkir hat daz uff sich genomen.

**962.***(1452) Dezember 6****Einigung über Erbgeld.<sup>1)</sup>***

*fol. 178r* Vordir ist bereth und betedingit umbe eczlich erbgelt auch andir farinde gut, darumbe Veit von des kindis weyn dy frauwe in schuld genomen hat, sal dy frauwe dem kinde addir irin vormunden reichin und gebein 2 ß gr und sullen allir sachin, wy sich dy czwischin òn biz uff diezen hutigen tag gemacht und vorlaufen haben, gancz gericht und geynit seyn, eyns daz ander